

澄蘭室古緣萃錄

澄蘭室古緣萃錄卷六

古虞 邵 松年 輯

明

莫雲卿摹洛神右軍像卷

瓶麓齋舊藏

紙本高八寸四分長三尺六寸二段前段工筆設色摹洛神
凌波像仙袂飄飄真有將飛未翔之勢上臨大令十三行十
四行又半下款

萬厯丁丑夏日臨王大令十三行洛神賦於竹西草堂徐文卿
篤意晉人風骨其臨池翰墨翩欲度驂騑前迺顧索余書不

覺指腕羞澁莫雲卿廷韓甫

靜庵
仲堂
莫是
龍印

後段白描右軍像同立者又三人嘗見舊利洛神賦全本前
有此像延韓此幀蓋有所本也上臨蘭亭叙十九行又五字
題款三行書凌有莫雲卿延韓二印卷中有潘氏涑釣孫藏
書印黃德峻許書讀畫之章二印

世人學蘭亭不免有凡骨金丹之謂其來久矣余不揣迺復蹈

斯轍豈欲冷後人須笑後人耶

雲

周百川列侯世封圖卷 紙 麓齋舊藏

紙本設色高七寸二分長六尺八寸六分一接深山大壑草
木深密層巒聚其中玩弄跳躍各肖其狀共百餘題首列侯
世封四大字款丙申仲夏雁門文耕慨庵道人嵩文二印卷
首下角有蕉林圖史印款在尾

甲辰春日周用寫 順

玉洞雲巖曙色開紫芝瑤樹向春栽披園喜氣增眉睫積善
公侯家、來 儼山陸深

易元吉善畫獼猴以刻劃見長凡寫生法揮其一則有餘及其繫則不足者雖皆終披左支右絀比而然惟隨筆點染觸處生情隨其高下位置無弗臻妙然又非庸史可辨也此列侯國為白川先生所製其間或飲或走或起或坐或挂枝或緣崖令觀者目眩自非具大手筆則又何能哉安福貳相國六表長筵且有得曾孫之慶用以為壽種德高門其厚澤正未可量因書為跋何吾駒
咸豐戊午初秋在杭城古肆偶見此卷重是鄉先賢手筆急以善價購歸而是夜此古肆忽遭回祿使稍緩須臾則六煨燼矣名蹟所在有神物護持於益信
振甫楊慶麟識
按白川先生吳江人弘治壬戌進士畫筆得沈周指授布置渲染高雅絕倫官至吏部尚書嘉靖丁未卒年七十二謚恭肅見明史暨畫徵錄周煥傳

謝樗仙仿石田翁山水軸

帝本水墨高三尺五寸六分闊一尺九寸六分坡石磊落林木杈柯臨水茅亭一人獨坐遠山隱約溪水潌洄惟見數雁

飛下而已右角下有古香樓主朱歲鑑藏過物蓮想曾觀二印款在左

戲傲石田翁寫此圖畫成翻覺穢形疎疎林碧水神馳遠淨几明窗趣不疎聞來依樹搆虛亭矯疎柯不受塵染興相過無定約愛他魚鳥自親人癸丑仲冬十月樗仙謝時臣用墨

謝時臣印

趙文度振衣千仞岡軸

絹本設色高二尺五分闊九寸峭壁陡絕石骨峻嶒古木彫紅遙坡映碧一人獨立崖上有飄淩雲之勢右角下有楊氏倩若珍藏左角下悉口凡二印款在左上

振衣千仞岡 己未夏日做荆浩筆 趙左

趙文度左氏

橫雲插漢領諸峰雨過泉飛亂壑松赤壁豈經新戰伐丹楓
浦記舊游蹤祠荒故相江村鼓客散名園蘭若鐘莫信秦龍
雲不去此山雲只為人龍橫雲山吳偉業題此畫者後人因其寬窄適合詩意
與畫近故合裝之耳

丁南羽蘭亭修楔圖卷

紙本高七寸一分長九尺八寸三分命二接崇山峻嶺脩竹
茂林左右激湍流觴曲水脩楔者四十二人列坐其次或觴
或詠各盡其態中有三人坐亭上雙鷺鳬水面其凭檻而觀
者當是右軍烏前後童子執役者七人蓋取童子六七人意
其樹石工細似文待詔人物靈動似仇實父其白描衣褶筆
細如絲不知龍眠畫法即如是是否至肩目疎秀裝束飄洒猶
想見晉人風致按明益王有蘭亭脩楔圖石刻歷代皆有畫
本相傳而此卷定有所本但不能指定四十二人中某為
某也無款識卷尾下角有丁南羽雲鵬二印簽為趙次閑
題曰丁南羽先生蘭亭墨妙無上神品卷前裝有徐紫珊篆

孫遜谷所藏柯丹邱瘦本楔帖卷後粘有舊拓玉枕本一種
予揭去另裝而以所摹定武真本補之復又錄修楔詩並後
序于末焉

丁南羽秋林書屋困軸 瓶簾齋舊藏

紙本設色高四尺一寸二分闊一尺二寸七分依山結屋編
竹為垣小橋一弓脩篁萬个山坡倏曲溪水中橫度以紅橋
映之碧樹長林陰翳湖石玲瓏茆亭之中二人對坐一童煎
茶意自適也畫筆山峯似子久竹石似六如林木似衡山花
草復鈎具有宋元筆致右角下有汪立伯氏家藏左角下有
潘氏聽颿樓藏二印款在左上四篆書

秋林書屋 萬曆戊寅秋日呈星樓先生 丁雲鵬

南
丁
雲
鵬

陳眉公書東坡居士詩語冊

紙本八開行書為絲直界測八行高六寸二分闊八寸六分
共八段眉公書法不克以偏鋒取勢然因勢利導熟極而流

亦費別有天趣此冊神動天隨按之草法不出規矩之外後款

七十九老人陳繼儒書於菜香居

陳繼儒
信印 頌

陳眉公仿大米雲山軸

綾本水墨高二尺三寸五分闊八寸雲山重疊樹色冥濛氤氳氣之氣勃：帝上筆墨秀潤直逼香光有乾隆御覽之寶五璽左角下一印賞鑒二字可辨款在右上

雨中做大米雲山

眉公

頌

陳眉公梅花軸

紙本水墨高三尺一寸八分闊八寸六分老梅一樹花蕊歷落枝幹蒼老筆墨清勁款在右上

月橫紙窗宛似此圖試為寫照

眉公

頌

明人山水扇面冊

第一開周東邨金箋扇溪山深秀松竹清幽野屋三椽二人隔窗對坐翁侍一童筆意老蒼款在下

東邨周臣 無印

第二開仇實父金箋扇長松細竹掩映巖前屋宇參差閣干曲折二人在坡前對坐童子捧槃翁立對面雲峰杳靄氣韵生動款在前

實父仇英製 十洲

第三開唐六如金箋扇峯巒起伏林木蕭森樹裏茆亭葦間畫舫一人獨坐舟頭是子畏齋應之作款偏右

水曲山深市路賒晴光嵐氣酒帘斜趁船人盡歸家後惟有清

風掃落花 甲午五月畫似坤老道兄 唐寅

唐寅
之印

第四開附赫奕白礬扇青綠山水羣壑疊翠花樹霏紅綠杉青松高低互映一舟搖蕩溪間春光一片入望淋漓款在下

臣赫奕恭畫

臣赫奕恭

第五開附張天瓶行楷廿五行上金箋即前東郭畫扇之背面也款

張照

張照

第六開附成親王小楷廿五行書秋興七律三首上金箋即前寶父扇之背面款

秋興 成親王

王 頤 壽

明人書畫扇面冊

第一開仇實父金箋設色石壁淙淙溪水紫青坡草鋪茵復松成蓋紫藤倒挂丹華紫剪一叟臨流獨坐野雲任渡清景逼真畫筆工細秀雅絕倫款在上

仇英實父製

仇英之印

第二開附空白金箋即仇扇之背面也尾有如瓶室主人珍賞七字印度麟扇為外舅所昇原有骨前數年始揭裝以冠斯冊蓋精品也

第三開邢子愿書臨右軍書札十四行款

邢侗臨

第四開唐六如金箋設色山勢奇橫飛瀑直下孤松獨茂遠嶂重：二尖波間對坐一童携画卷過石梁米筆致秀逸風景宜人六如畫中寓意之作款偏左

唐寅畫

唐寅私印

第五開香光牀書金箋十四行不知香積寺五律一首極不經意是酬應之作款

其昌書

董其昌印

第六開文待詔金箋水墨粗筆山水雲山淡遠林木清幽屋宇槁舟無一不備氣韻深厚對久弥佳款偏右

徵明

文徵明印

第七開香光行楷金箋十五行十二城樓閣苑西七律一首清潤圓轉綽有餘妍款

董其昌

董其昌印

第八開各家畫樹白礬面第一株老樹松藤若平莊雅為鹿野兄寫印世杰第二株柳顧瑩印梨若第三株松樹尊美似鹿野詞兄正第四株高松戊辰夏日寫卞璧第五株六株仿倪廷羊戊辰四月為鹿野兄戲筆王恂第七株松樹徐澄寫似鹿野兄印澄第八株杉王臣第九株松樹胡存第十株松樹夏日為鹿野兄有邑印不辨第十一株松樹文逸第十二株楊戊辰夏月丁紳寫第十三株松樹末筆墨逸都十二人寫樹十三株羅列參差章法不苟上好者所為也

第九開文待詔行書金箋十二行七律一首

林花落盡意蕭然舊喜園書病亦捐
宛轉愁懷如蔓艸蹉跎春事到啼鵲
紫空淋氣游絲困停午清陰碧樹圓
怪底扣門都不應北窗無事正高眠

徵明

文徵明

第十開白礬面枋樹杈坡陀平曠一丈扶杖過橋路迂曲折意境蕭森款款偏右

寒林高士圖 宋懋晉

元明

第十一開周公瑕行書金箋廿三行五律二首有李鴻儀鑒賞章李慎孫藏勤伯珍賞三印

千仞懸青壁凌峯擁紺宮
聞香巖桂老擎秀石臺空雲日陰晴
異嵐霏旦暮同孤高足禪觀恍忽去棋籠
秦餘不易步吳望此能窮水遠疑天盡
霜明見海東歸雲填樹缺靈雨閤龍宮
古

成道殘壘蒼茫伯業空 登陽山二首 周天球似新宇先生

正之

陸 周氏

第十二開面室墨梅水仙金箋面款在右

仙卉瓊英簇香花玉樹新月明江上望疑是弄珠人 穀祥

祥

玉為丰骨翠為裳麗質盈 試淡妝最是雪殘春欲半滿庭
明月自吹香 文彭 跋

孤山風雪霽春色滿湖濱相約羅浮子來迎溪上人凌波弄
明月羅襪不生塵 彭年 註

淡白輕黃解語華空江獨立思無涯梅兄譽弟如相見應說
清標自一家 文仲義 題

第十三開胡任興行書金箋十四行五律一首

太液浮僊島凌空玉作橋苑花連鳳渚宮柳拂龍船寶殿琉璃

合珠林翡翠鏡不因鴻雁翻那得到瓊霄 書祝 仲老年翁

壽 胡任與 胡任與印

明人各家書扇面冊

第一開石田翁行書廿行洒金面有李鼎審定蔡簡二印

入城常厭路迢迢、野水孤舟且寂寥清話喜君今共酒曠懷須
我更吹簫菱花白處荻花紅時逐漸凋一塔照人看已
近漫催柔櫓送溪潮漢文久不見過八月望後一日始能一接
而余裝在舟行色甚匆、漢文亦不留遂共載而南余家去郭
五十里每、獨行把書外惟一睡而已茲來煮鱸與莖與漢文

且咲酒雅話不覺其舟暫尔而達郭郭隱、可望遂為留此作
于扇頭庸紀佳會也 歲在癸丑沈周

印藏

第二開文待詔行草十四行碑金面有河陽潘家書畫印

天上樓臺白玉堂白頭來作秘書郎退朝每倚花枝入保直遙
聞刻漏長鈴索蕭閒青瑣靜詞頭爛熳紫泥香野人不識瀛洲
樂清夢依然在故鄉 徵明

文徵明印

第三開蔡民表草書十五行碑金面有樸園印

劍鳥翩、起玉塵相風微轉應芳晨璣衡共覩成文麗鳳鳥重
經紀歷新鸞輅青旗迴獻歲朱絃疏口奏陽春漢酺萬國皆懽

慶瑤水年、口送臣 甲子元日早朝 民表

黎氏表印

第四開在草十五行無款碑金面有聽鳳樓藏季彤翰墨二印

北風吹草滿征鞍西度關門歲欲殘越國雲山千里夢官亭花柳幾迴看天口海上明河沒霜白城頭片月寒深夜逢君論世事酒酣還把劍珠彈

第五開顏仙行書十二行碑金面上角季子所藏印右角日高書画記鉅雲樞月吟豪二印

月桂花上雨春歸一憑闌東西南北客更得幾回看紅衿映玉色薄暮無乃寒園中如許樹獨覺賦詩難 顏仙

徐氏子仁

第六開草書十四行片金面下角有季彤心賞印

一編授我恨差遲樹老應無口少時烟內丹砂雖有術鏡中白
髮口如期本來面目今忘我過去光陰竟屬誰睫在眼前人不
見後知當復賴先知 碧山翁 之濟

第七開香光行楷十六行碑金面有聽颿樓書画印

乃瞻衡宇至門雖設而常闕 陶靖節辭 董其昌 謹識

第八開眉公行草十二行碑金面有潘氏聽颿樓藏誤坪二印

日照香爐生紫烟絕句一首 繼儒 公碩

第九開王面室行楷十七行碑面金有潘氏鑒藏印

薄暮散春城水開綠水明垂楊萬戶合初日候禽鳴蔚此美人

思感予竊土情迴看大道上車馬正縱橫 併侶維舟處蘆花

曉浪生疎烟過柳色細雨出鶯聲邀我冥心契重君攜手情蕭

條尊酒盡芳艸又孤征 西室王穀祥

王祐之印

第十開邢子愿行書碎金面有李鼎審定印

洮河隄鯉綠波盈書到加餐萬里情晚磧舉蘭愁玉塞秋風羌

管憶金城盤中赤柰霜前果塞外黃羊獵後羹聖主垂衣莫西

顧已將方略付營平 寄荆使君蘭州作 邢侗藁

邢侗之印

第十一開吳夢陽草書十五行碎金面右角下潘氏鑑藏印

蕩漾明湖夕照空樓船小汎度春風天邊去鳥仍孤影雨後新

花復幾蘂蓮社不聞招謝客竹林端合許王戎相留那得春愁
入杯酒淋漓曲未終 茅孝若招飲湖上夢陽似正口姊丈

允口

吳夢陽印

第十二開倪玉汝草書十五行碎金面有季彤鑑定珍藏檢
未二印

平原浩々蜴如鋪可有培塿一个無剩口千金購鳥語堪將萬
馬擬風呼靈文杜甫何意肆朝服王戎奈酒壚徒尔紅塵徒尔

老脩人豈必勝侏儒 元璐

倪元璐印

明人各家山水扇面冊

第一開文五峯竹石金箋面款在右工

五峯

五
德

第二開山水金箋面點皴濃密雲樹迷濛竹外小樓一人凭
眺坡間三人樹下一人畫法蒼老款偏右

壬戌夏月寫於卷石山房

張復 復

第三開山水碎金面山峰遙峙坡上人家一簇樹色參差溪
山明燭款居中左角下李膺父印

錢貢 貢

第四開山水碎金面峯巒起伏林木蕭騷筆意荒寒秋深景
色款偏左

辛未秋日寫

沈士充 居

第五開山水水墨碎金面筆意清潤樹石淡遠有倪高士之
逸致款偏左右角有新安鮑氏鑒藏書畫記

戊辰秋日

吳必榮

吳氏
林符

第六開山水碎金面岩石突兀雲棧縈紆松老吟風帆高破浪筆意雅近唐解元款在左上

雲間莫是龍製

子雲所

第七開山水碎金面點皴隨意邱壑天成林屋參差大家筆墨款偏左

孟陽畫

陽孟

第八開山水碎金面峯巒相對皴法蒙茸松柏陰中山樓危澤二人凭檻聽瀑坡上一人緩步山角一亭孤懸雲表款左

壬申秋日寫於晚翠樓

張宏

張宏度

第九開山水洒金面通筆揮洒秀韵天成一樹一石具有倪迂淡逸之致款偏左

丙寅秋日畫

李流芳

李流芳印

第十開山水洒金面石壁巖：棲骨盡露山前老柏凝翠結芥三椽一人携杖歸來一童抱琴溪隨筆墨蒼潤款偏左

古緣萃錄

与六

土

澄蘭室

丙子秋九月寫之璜

第十一開山水碎金而石壁玲瓏巖花雲護水中石筍波激
花飛坡上一兔蹲伏芝蘭馥芬款右上

庚戌夏寫贈口口 王維烈

維烈

第十二開山水洒金面樹色丹黃嵐光遠近二人臨溪對坐
風帆塔影極目蒼茫題款居中印首天畱郎

鳥去不驚野水闊帆歸偏畏夕陽催 戊戌清和擬黃鶴山樵

法并題于竹深處 袁尚統

尚統

第十三開山水金箋面萬木縱橫一峰隱約林間屋宇參差
一人樓頭遠眺童子候門一人度橋而來款偏左

壬申春日寫為孟玉詞丈 原起

劉氏

第十四開山水碎金面遠岫平波樹石簡淡是善仿倪者款
左上

戊午重陽寓 陳煥 之

第十五開山水碑金面巖壑清奇意境幽闊桃花高下洞口
漁耒是寫桃源別境也款偏左

沈昭 昭沈

野牛遠：過前村短笛橫吹隔院聞多少長安名利客機間
用盡不如君 百退子書 翻

第十六開張渡山水碑金面溪田牛蹕遠山淡冶林間危閣
高潯波心一棹疎來童子候門風景清絕款偏左

癸丑春 張復 復

第十七開山水金箋面一峰中峙羣壑輔之雲樹迷茫溪光
掩映依山結屋數椽坡上三叟雨步山角浮屠高矗殿宇微
露別是蘭若佳境也款偏右

甲子夏為赤城詞丈寫 白文萃 白文萃

第十八開山水涵金面峯巒合背洞口中開夾岬桃花一舟
空繫山裏村落隱有漁人与二人對話是寫桃源景致

丙午初夏錢貢寫

錢貢印

明人各家詩札冊

第一二開石田翁詩翰高八寸八分闊八寸二分二開闊五寸四分紙本

吳家華堂拔雲起四座笙歌間羅綺吳父吳母居堂中雄鳳雌
凰自為侶逾七望八年豈高黃髮臻映兒齒廩有餘粟窖餘
金膝前又有麒麟趾養親行估吳楚間江海珍羞入甘旨堂前
種椿父壽長堂背栽萱母心喜椿樹今垂庇下陰萱花古聽宜
男語母採萱花才春酒父握椿枝壽海水海塵吹綠海中桑笑

與黃山較年紀 余友口口來求椿萱祝親之壽樂為寫題

弘治己未歲端陽日沈周 昭

解題語是繪椿萱圖惜畫佚去矣

第三四開吳乾庵詩翰高八寸三分前潤九寸二分後潤七寸紙本行楷廿一行

惠山泉石罅迸流聲潄潄千里萬里爭相購品題名奪江心傳
德生家住此山下不鑿而飲興俱化人云似是上池來清風神
識增殷價年未二十游帝京風流意氣揖公卿日逐胡姬過酒
肆曾隨都護出長城浮湘適越臨荒甸九州五岳游欲遍雲踪
憶昨過羅浮相逢池上春飛燕與君相見即相知浮雲流水共

期浪迹埋名人不識海上韓康賣藥時竺西移家今咫尺杖屨
過浚忘日夕解作通人出世談能一死生齊順逆羨君無日不
看花羨君有錢向酒家何日謝絕區中累與君方外弄烟霞朝
讀黃庭看日出共檢丹經理芝朮世上那知春復秋逍遙自得
長生術 右惠山泉歌贈德生盛老先生并求郢正 延陵吳

寬

題

第五開李賓之書札高五寸八分闊九寸二分紙本行書八
行右角下樂晴堂藏書画印

錢生恃愛奉乞教言不敢徑請謹代達此懇病暑弗恭一二日
奉卷請書容謝不悉 友生李東陽頓首治齋先生尊契 賓

第六七開金山農詩翰四頁高八寸九分闊三寸九分末頁
欠三分紙本行楷十二行

浮世功名食與眠季鷹真浮水中仙不須更說知幾早只為尊
鱸也自賢 濃潤侵衣暗香飄砌雨中花色添憔悴枇杷樹下
立多時不言不語歡：地 眉上新愁手中文字因何不倩鱗
鴻寄想伊只訴薄情人官中誰管閑公事 弘治癸丑八月廿

又三日風日晴朗賞心閣閑書

山農

錄
金元

第八開鼎大年書札高七寸一分闊七寸六分紙本行楷八
行有雪泉所藏印

故人張知州卒于官未求不肖作墓誌欲得名公篆額昨稟已
承許諾故敢干瀆乞即為書之容當謝 辱知大年拜內翰考

功先生契家

曷氏
大年

第九十開王陽明詩翰高六寸六分闊一尺第二頁盈三分
紙本行草二十行

予妻之侄諸陞伯生將游嶽麓爰訪舅氏作別江滸寄懷於言
風吹大江秋行子適萬里萬里豈不遙眷言懷舅氏朝登嶽
麓雲暮宿湘江水湘水秋易寒嶽麓夜多雨遠客雖有依異鄉
非久止歲晏山陰雪歸棹正遲爾正德甲戌十月初五夕陽
明居士伯安書于金陵之靜觀亭至長沙見道巖遂出此致意
也

第十一開文太史詞札二頁上頁高七寸四分烏絲直行闊
三寸八分小行楷六行下頁高七寸闊四寸行書四行紙本

新月挂梧桐良宵清又永丹桂滿庭芳秋色盈園壠正好度曲
吹簫檀板相和相詠嬌倚空簇承寵無限情如湧夫壻覓封
侯拔劍揮星炯今夜相思兩地月華同拱萬里淨雲霞寐清
光莫惜更闌神悚調紅檣近徵明

徵仲
父印
山衡

承珍餉領次多謝徵明頓首西室先生

第十二開文太史書札高六寸八分闊一尺八分草書十一
行紙本下角有休甯朱之赤孫藏圖書一印

近日在陳氏解后皂人具記數字度已省覽適聞范都諫早行
燈下書得手卷附注草塞命殊不浹佳也天台志輒乞一部
郡中新集不吝并賜一二十月十七日徵明頓首東橋先生

執事 向許抄惠玉山名勝集何如

第十三開文三稿詩翰高七寸一分潤同昨書五行紙本

玉色吳牋勝陟釐端州古研墨花垂試拈閣拈閒臨學不是羲

之即獻之 三稿 文彭 吳璠

第十四開黃姬水書札二則上頁高七寸六分潤四寸七分
行草五行下頁高七寸四分潤三寸四分行草五行俱紙本

諸公詩章昨附使先歸兄豈未之省耶石城先生深六欲仿之

即日姬水再拜 秋澗契兄先生騷苑

殘字韵詩馳上乞評教向未諸會之作俟稍閒併詠一帋呈覽

也姬水頓首 秋澗契兄先生高士

第十五開王錫爵書九高六寸九分闊八寸二分行書十三行文不全不錄

第十六七開董香光奏稿上一開高六寸九分闊九寸九分下一開闊八寸一分小行書印直結廿六行板心五賞齋

陳言時政疏 臣聞居盈而戒豫者聖主之慮也憂威而危明者蓋臣之思也指瑕而摘謬者進言之節也矜愚而採善者沒諫之明也故下不以主聖而忘藥石之規上不以時平而忽狂替之論何也天下猶一身治天下猶治身也善治身者不幸其今日之強健而常計其後之無衰善治天下者不幸其今日之治安而常計其後之無亂欲後之無衰必察于和扁之言而調其漸雖飲食嗜欲之無所過差亦不厭其言之切而防之周也

欲後之無亂必審于忠臣之論而窒其萌雖政事紀綱之無所
缺失亦不嫌其計之過而辭之激也竊見陛下以神聖御極而
又能信任忠賢緝熙聖學百度咸理四微無驚誠亦已致治安
之盛矣然陛下春秋日茂聰明日廣正嗜欲憂勤之基也故人
臣忠愛陛下者不以今日之已致者為幸而以它日之所常保
者為憂何也難成而易敗者位也難勤而易怠者學也難約而
易侈者心也難親而易簡者正人碩輔難疏而易惑者左右之
便僻狎昵也故臣不敢槩摘天下之事而惟條其有關於聖學
政治之本原者以獻惟陛下思其難而采納之天下幸甚

第十八開戴瀨詩翰前卷高七寸三分闊一尺六行書六行
紙本

泉落青山出白雲
縈村遶郭幾家分
自從引作池中水
深淺方

圓一任君
戴瀨

卷八

第十九開文震孟書札高七寸二分闊五寸二分紙本直格
行書八行

此公已在胥江兄如欲晤之携舟至閶門外弟當出共載若有
食物餽之弟當附名何如不然空身一見明晨以小物了事可
也知兄在汝訪家持此相聞汝兄想得意弟尚未往晤希為道
意
德升親丈
小弟震孟頓首

下附錢陳羣書札一方不錄

第二十開鍾伯敬題陳房中列仙圖高八寸五分闊八寸二分草書八行文不全後款

竟陵鍾惺伯敬題

鍾惺
伯敬

李長蘅溪山圖卷

紙本設色高八寸長一丈七寸紙二接無高山峻嶺密樹長林而遠岫清溪丹楓綠柳兩冊虛岫野屋松林隨意點染無意求工然章法天成筆墨洒脫的是大家風範雖題仿北苑實近石田翁疎逸之作題在卷尾

壬戌秋日閒居檀園有以素卷索畫者輒效北苑筆意作溪山

圖墨痕筆懶所謂唐哭西子殆不免焉知當茲識者一笑矣

泡庵道人李流芳

李流芳
若印

李長蘅仿倪黃山水卷

紙本水墨高八寸三分長一丈二尺五寸三分紙三接筆墨
淡雅邱壑自然林亭多仿倪迂筆墨雅近子久隨意點皴極
見秀潤但沉着不及倪黃耳卷首有李流芳印長蘅氏二印
下角有臣灝私印袁氏石根松蘿氏郭海勞氏孫鳳園書禾
像書西雲巢六印畫後有袁石根半生真賞勞小山平生真
賞印晉山防三印跋上有皆古軒石根二印中有小山氏汝
南高士之後二印跋後有勞氏珍藏松岩秘觀之章二印一
未識鈴健處半印不錄程宗二跋在画尾題另紙

去年殘臘屏居檀園歲莫窮愁百感交集酒杯書卷皆為愁具
篝燈無睡間以筆墨自遣或一木一名期於引睡而止偶展此
卷嫌其太長初欲縱筆盡之倦而棄去後遂稍斂凡經十宿而
成前後踈密筆皆不應置之篋中久未題字偶過吳門示松圓
道人至武林示宗比玉皆以為可余視之亦復煥然轉自珍秘

矣湖上友人鄒孟陽愛画入骨藏余畫獨多見此又欲乞之余
告以不能滿志孟陽不信蓋過信兩君之言也夫余亦信兩君
况孟陽哉如孟陽之愛畫藏之篋中與余無別不然十宿引睡
之功三月窮愁無聊之感當終身与余作伴不忍輕擲與人也

丁巳六月十一日題於西湖小築 慎娛居士李流芳

李流芳
長

戊申春余同長蘅入山看梅己酉秋同觀月虎山橋丁巳四
月余居停間門長蘅將之武林因復同舟入山十年始成三
游茲曰天氣清和快水活風輕陰薄嵐一洗經月塵土之况
相對開止因出示此卷樹老石潤尋得可愛其林塢村舍頗
作同游橫雲細林間想余近亦時作小幅手似漸熟無恙意
聞點疎長蘅初年亦多簡易然逾熟逾密南嶽神完而意周
非中有所得不能及也舟行次靈巖山麓嘉題
初展之見林壑冲樹極掩藹可喜細尋邱壑却落六自紆迴

向背時，合黃癡倪迂法此長蘅得意筆也長蘅猶自言卷
 長手嬾時作擬未免有斷續可議不知余所喜正在此豈欲
 如今名手描成一片乎丁巳五月初九日宗珏題
 乙未春首鄧孟陽兄自杭至華亭因入予邑南境先訪長蘅
 於南翔里明日入城見訪西過閤孟夜飲極為酣適意欲乘
 醉而別坐中諸君相與挽留且有欲携具過小樓者遂為復
 留一日携長蘅畫卷展玩時長蘅北上以夜不成寐而還余
 見其後題數曰此固其所以病也長蘅雖未遇貧困固士之
 常學道深信如君豈有不釋然者願此中未能與境緣相忘
 不覺為所動耳如此卷墨妙蕭然能令覽者意思灑落如出
 塵室而游清虛甯有筆墨至此而其神乃不能自持者耶吾
 願孟陽仍以此卷歸長蘅使其一展卷間了見昔年意在
 筆先者作何境界何由卧不成睡雖謂即千金良方可也孟
 陽以為然乎否耶正月廿又七日要堅題村樓樓
 秋霽 小山仁兄屬題李長蘅溪山秋意圖 明淨嵐光萬
 吳淞一片冷楓葉瑟瑟水上烟痕石邊落葉平添幾分秋色
 藤翠滴杜陵有句融殘墨謔自惜霜髻低垂老樹寒烟
 同作苦吟客 鍾沈破寺約斷孤邨轉眼蘼蕪暗驚寒碧換

山家悠、歲月松風飛響散。蟠席一朶白雲僊。夢隔舊時籬。
落斜陽畫出。知君帽簷簪菊。畫中移屐。嘉慶
乙卯九月七。鄰改琦填稿。改琦

李長蘅山水軸

紙本水墨。高四尺二寸五分。闊八寸八分。層巖複疊。高樹清
疏。臨溪一亭。對有飛瀑。筆墨秀潤。不落恆蹊。有高士之風。
左角下有建廷鑑藏印。款在右上。

戊午秋日吳江舟中畫 李流芳 李長蘅

鄒衣白山水軸

絹本設色。高三尺三寸四分。闊一尺六寸二分。山峯對峙。瀑
布空懸。老樹枯松。分列巖畔。依山水澗相對。俱在亂石縱橫
中。乾墨秀筆。畧施青絳。氣韻如生。右角下衣白天仙骨王左
才二印。強恕堂一印。款在左偏右。

雲斂天池淨秋清石壁高道人多眼力摹寫到纖毫 丁丑又

四月八日臣虎題 鄒之麟 虎

楊龍友山水軸

紙本水墨高二尺一寸二分闊八寸七分巖頭突起皴法離披
密樹枯條掩映有致溪上水亭一人坐眺前後疎竹意境幽深款在左上

人愛石田翁畫謂潯梅花道人奧旨而不知實係家學恆吉所授也
昨過瓜洲坐雨水牕點筆作此幅意在吳沈之間蒙教老許為不惡即書數語以贈 龍友楊文驄 駁

半壁江山剩可憐銅駝荆棘故依然閑情付与丹青筆一把
酸辛黍畫禪 兵散潯陽草不青血流殷處楚江腥軍中文

武如蜂聚識見誰同老敬亭
拈毫揮淚向誰論滿眼紅塵
日色昏記否桃花留扇底一
回首處一消魂
己卯三月雪
蕉庵主拾示楊龍友畫四題
三絕以志感慨
萊陽姜寶節

李君實花卉冊

紙本水墨八開高七寸三分闊一尺首冊有吳郡顧沅審定
書画印邊紙上有校香園柘林小印二印
第一開梅花二枝一順一逆相抱中題

墨池得暖回春蟄入手東風筆一枝

謝

第二開老幹折秀梅花一枝竹梢數片題右角上

雪融猶剩梅洲暖已新條芳意自相接無邊割昏曉所以山中

人默：坐照了 華

第三開梅枝倒挂烟霜中橫右角下題

只有橫斜清淺口澹然標格映鬚眉

第四開梅枝倒挂數花零落水石縈帶藤蔓長垂右上題

搵香羅袖薰龍畔橫玉搔清鏡中不是合顰故愁思簾鉤難

約一庭風

嫩竹

第五開梅一枝山茶一枝題在右邊

不許迎風戲吹笛且教口口過牆東

寫君

第六開坡石間梅花一枝幽蘭數莖右上題

誰家齋閣對松香種幽恬興味長

嫩竹

第七開竹松梅竹用雙鉤尤有別趣題偏右

竹低舞腰梅開笑口

韞

第八開墨梅兩枝清潤可喜題偏左

華光參、補之皆寫墨梅不作圈王元始加意作圈務令勻

淨然鉄幹縱衡之勢衰矣澹游益復柔婉多態恐為孤山老人

減氣也 竹嬾醉筆

韞

卞浮白仿古山水冊

紙本十開每高七寸八分潤五寸五分
第一開水墨一峯陡峙林木深濃山間溪澗高下相映右題

做北苑墨法 文瑜

甫潤

第二開設色溪山明媚花柳參差無款右角下潤甫印
第三開設色坡石磊砢溪流淡遠楓荻蕭颯遠岫迷茫右題

做趙文敏筆 文瑜 補潤

第四開設色陸壑飛泉疎林野屋烟嵐杳靄溪橋長橫款在
右

做子久筆意 文瑜 補潤

第五開水墨峯壑高渾結屋平坡疏竹長松掩映左右一人
當軒默坐款在左

做王林明筆 文瑜 補潤

第六開設色層岩疊起飛瀑爭流密樹陰濃遙岑對渚款在
右

做梅道人筆 文瑜 補潤

第七開水墨壑峯淡遠林木蕭疎臨水一亭筆意秀逸款在
左

做倪元鎮筆

文瑜

補潤

第八開設色秋林蕭瑟遠岫空明小閣憑欄扁舟盪槳蘆灘柳岸風景清幽無題右角下潤甫印

第九開設色溪流淡蕩名樹蕭森梧竹清陰一椽偶寄題在左上

別業青霞境孤潭碧樹林

下文瑜

補潤

第十開水墨崇岩層疊密對森排屋宇參差溪山迴抱題款右上

癸巳新秋摹仿宋元名家十幀

下文瑜

補潤

黃石齋書石養山九串閣三十人贊卷

絹本高七寸七分長七尺四寸絹四接小行楷都一百十八行

石養山九串閣三十人贊

屈正平先生原鄆人易初本迪君子所部章畫志默前途未改
沐浴衣冠不忍蜚蜚懷沙頌橘終冀一悟井深心測千古同故
賈長沙先生誼洛陽人才人已雄踰今屬古唾吐管晏遂擬舜
禹取鑒二世乃黷蹊盤揣摩淮南如掌上指蘇秦之鄰李斯之
師龜生學之蓋其獎矣

魯仲連先生臨淄人世不可輕志不可肆鮑焦無後頌鄒魯無
裨理馬不擇芻何以稱千里達哉魯連所貴不仕

按馬上脫驥
字

李青蓮先生白彰明人千鈞過的撞牙息機漸陸遜高衆何能
為贖郭傲楊足掩一世有唐乾坤僅此兩事

樂昌國先生毅靈壽人國齊結趙為縱橫始乃其舉止被仁義不失君臣不謀餘隸功成而不廢名立而不毀伊呂無終亦詎

邁此

按被下脫服字

王景略先生猛北海人風雷瞋陰龍蛇所喜遠德近功暨肋厲齒圍鮮卑羗貽中原利司隸許將十牛并子赴鄴之誠与伐晉契不謂不智

劉中壘先生向彭城人中壘引繩規切執政擬上揚亡布寬舒勝再起再廢遠動天繫瞻言千里遐燭來世劉宗不輦蓋其危矣智如陳湯謀安所施

韓退之先生愈南陽人文章易致性道難聞退文見性猶堂視
室雄況之播仰瞬鄒嶧退之從之倚肩去膝顧其顯言於星亘
野中壘而後無有儼者

汲長孺先生黯潁陽人不往東越不愛河內矯制發粟始進已
介請見高門損大將軍其愚如何為難倫也

魏玄成先生微晉州人開創易為才興主易為臣自比迂衡帝
俞孔明無欲勿欺仲尼所視誰云厥貌不通中人

黃次公先生霸陽夏人次公朝聞傳經講室出剡揚越乃舉良
直潁川之治冠於漢世雖無神爵何損於治以武昭時寬和獨

著豈必為相乃干衆譽

張復之先生詠濮州人廉不言貧勤不言苦忠不言勞功不言
瘁用智生智著字前子能見能行能果惟其有之是以似
之

第五伯魚先生倫長陵人伯魚通材介然秉義薰除陌上劉芻
會稽乍顯乍晦屢躋愈厲雖少蘊藉莫媿曾史

馬賓王先生周荏平人倫慮之言適於心鶚非文之為切理乃
服火色鳶肩騰上必速假方求形古豈有焉画圖范金再見於
斯

高令公先生允蔭人令公多聞深若無有妙理心多公得其九
閔湛營辜毅然引咎雷電四至不改三就三弁宥密不顯於口
艸屋緼袍期頤載壽皋陶咸德衛武同完

蘇子容先生

頌晉江人

子容精審不可親疎處終能斷在驟能

紆禮論澹中引讞容弁自証何傷証人不可同衆從謙達衆從
下不問叛夷不侈捕盜識大體者無逾此老

謝安石先生

安太康人新亭呼吸笑而却敵易艸弥旬乃輟九

錫遐算餘能仰慕宸極朱劉玄子各稱委任游涉整暇遂濟厥
勝位置諸桓經遠無競既明且清允惟先正

李伯紀先生綱邵武人謙利伐邑師戒承家言雖伊通知之則
邈前有唐耿後有黃汪逾拈比幹昌存不亡嗚呼誠明此學已
闕天壤不支莫之勝說

王逸少先生羲之臨沂人隨事行藏通識所貴規誥責萬動中
其會忠允之言絀於當權濟時適宜情倦乃興仰視許巢又何
慙焉

白樂天先生居易渭南人香山初年以批鱗顯爭鈔絀璫有則
有典直觸宸忌履虎幸免晚廢再出夷猶分司合離浮沈頗與
道宜

陸敬輿先生 贊嘉興人是亦達人夙有令譽因事獻替觀變良
悟興元推誠亟撤二庫分懷光營通琳楚路救蕭保實亦靡回
互嗚呼才難修眉多妒

蘇子瞻先生 號眉山人五采六翮節其兩足龍麟護齒倘亦殺
角為奇何耦為名何祿天子輟餐黎庶薦福吁嗟大人勿傷孟
博

宋廣平先生 環南和人首粹二豎直詰三思武韋之朝既有令
儀迨於開元批繩易矣憂魃一言止遂漸廢觀其周旋折距毛
揚屹如堵墻邠興是方

范希文先生

仲淹吳縣人

天聖建言希文始激待制論思豈為

越職慶厯黨禁於是越成雖有格人亦虞好名環慶之勳著於西夏不就執政可謂人牙憶在廣德徒步弼馬

裴中立先生度聞喜人勳業繇時平章繇運淮蔡易平縛昇難問艱虞惡賊安佚惡黨君子宣力小人伏莽以彼威德困於逢吉況其下者何能不汨

韓絳圭先生琦安陽人度生於識力生於量不言之教不議之唱雖以權濟非學而何李杜自處猶虞胡越胡越自處一潰千決誰云渾樸不施剗剗

張子壽先生九齡曲江人曲江攷治曰重郡縣絀彼詩判爰得
其貫侍中納言不昇邊吏羞列絳灌亦遂不晏直斥房帷請誅
胡雛誰謂斂情視彼虛虛

趙閱道先生忤西安人閱道出處上冢乃行履虎批鱗昌責諫
垣按魏視蜀剛柔同串中和之致天子所歎侃、恂、在朝在
閭皋夔章精爰程是書

李深之先生絳贊皇人不奪承宗非為姑息不討魏博非為懦
卻厚犒田典屈強歎息官人惟當豈問親識上黨千世不諛聖
德疾風勁草好是正直

司馬君實先生光夏縣人君實文章天子知之曰邁董揚治平
六劄三朝獻之曰唯所學一日辭樞黼宸動色四害未除雖瞑
不憚非獨獻可忝為先識

石養山中望廬之下別構數椽以別大雅左曰十朋軒軒不容
憶壁間位置自管葛至周沈凡二十六人右曰九串閣閣僅九
尺壁間位置自屈賈至李馬凡三十人皆異代同風韵實殊致
道出儕輩迭為賓師趙邠卿之壁懸四像司空圖之塘引羣賢
聊有所契託於同人 黃氏道周書

黃道周印

黃石齋楷書禮問冊

紙本十一開計廿一頁跋一頁又堵冲字行略書後六開計十一頁每高六寸九分闊三寸三分三釐開首頁有吾園口氏室之珎藏印曾在梁苴林家二印崇詰三小印末頁古瓦硯齋一印堵行略書後首頁有吾園崇詰一印又一印不識末頁藤華鈴館一印禮向楷書書後帶行書後一篇見文集不錄

禮問 義興堵仲緘以六歲喪母十許歲喪父及祖既三十餘成進士自傷初時情文未決乃伏墓泗泣制為苴削居廬二百七十日或問於史周曰堵子之追服居廬禮欵史周曰是禮所繇制何直禮也古者哭父母無時無時則雖百年猶可以期禫相起記曰舞斯愠愠斯戚戚斯歎歎斯擗擗斯踊矣堵子之登第堵子之舞也堵子之苴削居廬堵子之踊也辟禮其猶錦歟

錦生於帛帛生於機機生於絲絲生於繭堵子則所謂禮繭也
後是縑之猶綸於天下或曰前此者有諸乎曰何必其有之也
檀弓兩卷皆言物始何例之有曰然則諸先生所稱劉瑜法宗
王文殊梁文貞沈思齊皆幼罹艱閔長始追服則是古人常行
之也曰舉其人則固多有之矣或起於亂離哀巨創深或漸於
風教矯俗遂志范滂矩將客種牧解責之後乃自追喪哀本初
自持母喪禫除之外復廬父墓二人者古人傑也以至楊引追
制於襄垣徐肅負土於汲郡皆起自單門霜風易悲王臻兄弟
以名孝廉起家東海因此泣此緣梓隸桑皆名著於堂皇事表

於閭巷或持此終身或相起於五六年之內必若蔣公所云甫
旃釋褐旋復結茨以彼初喪襄此新達則未有如堵子之負者
也或曰堵子既感屬纊之言克承先志進於祿養則立行顯揚
列鼎前後足以為禮何必啜菽枕曲復修鞠凶之儀乎史周曰
嗚呼以列鼎揚旃為足以榮其親此道所遂絕於世也古孝子
之為哀也始於為殯為殯不足而後為祠為祠不足而後取麻
枲而裂之被之蓬然若將委於蒿艸之中蓬蒿之下如曰父
母之意以畫以繡則是苴削之乖崖不如稻錦之為志事也或
曰堵子感於世俗釋褐之後車過里門長者走匿降者持皂刺

候門不見尖頭鶴呼如迎皇尸以是大挹而為之至於苦由自
將以愧夫世之鮮車怒馬者史周曰何為其然也被衰經者志
不在於梁肉決癰疽者目不見飛鳥方堵子登第而歸循其階
瞰其房見其詩書篋篋無一而非其祖考若妣者又無一可遇
其祖考若妣奄忽一二十載則猶之朝暮也其荼蓼劬勞一
宛然簇轂哀咷禮遂以起方是時有雷霆鐘鼓堵子不知而謂
鄉里之內怒馬鮮車者堵子容知之乎堵子所謂不以愧人而
以愧己者也或曰堵子既感乃考屬纊之言以孝以忠思志思
事無取涕泣以為佩服則曾閔而下樂正子春而上旦暮遇之

何取与王綽楊引之徒一節自靖者經然爭名史周曰夫是何名之有以季札子產之學也而不以孝名王祥劉殷行通於神明聲震於竹帛而出處結束多不可觀士苦無至性若有至性又委靡墜於流俗范宣沈麟士刈手見血淒悼不自昧方其血下淚出之時亦豈為名乎江漢之波出於甕口及其滙流而後方舟道德忠孝問於懷抱猶乳之問酒也昔子游觀於衛見孺子踊者告子夏曰吾始以踊為可以已也今乃知其不可以已或曰然則仲尼之不為之何也五父之殯既合於防猶是少孤也墓而泣然則不更築身為攝相亦不加戚焉何也曰是聖人

也其手之所倚足之所履無少与長皆至矣予與堵子則猶五十而襄孺子之事者也曰然則堵子為之而不以是著於天下不亦可乎曰堵子何者之有月出而有輝霜明而有光月不以為藻霜不以為鑑使堵子而終於艸莽則亦負畚鍤與襄垣汲郡諸賢者沒身焉已矣堵子既冠帶以文章道詎振刷天下情至者創義至者起特立獨行不問不懼以孩赤救諸耄老亦何詎不可乎曰然則夫子之不為之何也曰周也則所謂樸樸之人也何足以語禮周之喪父也已冠喪母也已仕矣離羣索居無書史之徵師凌之厲縐衣而負土玄裳而啜泣嗥然而鳴

窳然而呼不知時日若鳥獸之決驟識邱壑焉耳彼昔之不知則可以已矣而猶且不已若斷縻之續縷也夫周也則何足以語禮也崇禎庚辰四月黃道周書于石養山廬之下

深州書臺

堵冲宇行略書後庚辰四月十一日書禮論畢時已就燈艸
再書此四帝情義未盡心腕俱窮要使後人不昧斯旨也

黃道周燈下艸

銘

堵公名永錫宜興人父維當禱茅山神夢予以牧牛童而生崇禎十年成進士自陳幼失怙恃未嘗一日養願假歸廬墓三年然後就職詔送之墓有枯桐再花人以為孝感後援學湖廣死於王事在當時必有以追表為非禮者故公為文辨之至謂不問不懼以孩提故諸耄老其意蓋有在矣此文作于崇禎庚辰四月按公于十一年戊寅七月召對忤旨謫江

西幕僚十三年四月以巡撫解學龍疏薦俱速下理正時
事而堵公于十年丁丑登第後即奏請虛墓計公作此文時
已在持服三年之後所云二百七十日者當時宜枚居虛實
祇九閱月它書傳聞之異可於是文正之也余遇公墨跡輒
收購是冊驚心動魄指法太絕精足以傳世不朽而堵公他
日致命遂志卓然不負空山注漢商榷之苦心則以此冊為
兩公進退之券可矣賸窓展讀敬識其大略竊附於知人論
世之義云 道光庚寅閏四月福州後學梁章鉅識于吳門
奪情視事居朝堂彼哉將相生空桑斯時乃有堵進士名成
轉抱瓶壘傷追喪廬墓非古制求愼此心行此事黃公拊膺
歎卓絕盡開羣言明禮意情至者創義至起物始種奇行士
例揚旗列鼎為榮親世上遂無忠孝字桐華編成表奇行士
夫文章易灰燼石養山中一冊書見古須眉生畏敬語長心
重讀者誰情絕網維城泉鏡是月天閨氣更豪閨廷拜杖銜
君命西陽戌歸放棄官一朝弓劍悲橋山故人遠隔武昌罷
各有怒髮衝南冠牛溲牧兒有大志擊賊繼繼橫出奇計早時
不用萬言策國亡更奮勤王誓農戾馬革願未償區區數升
魂逝逝事後黃公死四年河嶽星辰亮正氣嗚呼忠臣必求

孝子門人生所重君親恩黃公微旨堵公喻凜然大誼昭乾
坤君不見廿年通籍半居墓涂生頌寃佚事陳又不見精神
乞子兆異夢冠帶儒衣無此人
是冊豈肅題句
元和朱緩
道光十年庚寅閏夏敬觀

黃石齋書荅眉公詩軸

綾本大行書高四尺三分潤一尺四寸一分連款三行

開眼欣當雪盡頭但云清老已難酬風前合醉千金璧重說佳

人不可求 寄荅陳眉公見惠梅冊 黃道周 贈

周忠介竹石軸

紙本水墨高三尺六寸闊一尺六寸四分巨石一拳疏竹三
竿筆力清勁款在左上下角缺補一山

撫與可筆 周順昌 補文

若人今已無此竹甯復有那將侍直筆來盡驅雲帝君看危
石上勢挾蛟龍走千秋秉奇節清風滿虎阜 崇禎甲戌春

日晚學瞿式耜謹題

居士

前明崇禎時稼軒先生居諫垣力奏周忠介公清中之清忠
中之忠其推重可知矣此幅竹既清峭再得先生題詠兩間
偉人手蹟萃於一軸其可寶為何如也 道光丙申秋七月
後學張大鏞謹題 鏞

睦趙州小楷內景玉經冊

紙本十五開半計三十一頁頁朱絲界五行行二十字高六
寸四分闊二寸六分首頁前有一石閣宋裔名家洪溪趙松
鑑藏書畫印三印末有朋梅心賞趙氏朋梅鑑定二印後款

崇禎癸酉八月杪趙州睦明永書第十三遍

無印

睦趙州書靜穆之氣令入之意也消蘊坡知所寐矣退崖賞
錄觀

朱竹垞明詩綜載陸明永字萬年丹陽人崇禎壬子舉人選授華亭教諭乙酉八月松江城破自經不死投泮水被執不

屈見殺有世經堂稿趙州此冊於衡山雅宜外別樹一幟筆意略与京兆相似後

跋有謂明人小楷如衡山京兆雅宜多以晉人為宗然魄力雄渾氣息深厚當以陸趙州此書為家非萬論也不具錄

邵僧彌寫山行舊句山水軸

絹本設色高二尺八分濶九寸二分溪石磊磊飛泉湍激坡上老樹一株松梧各一俱極青翠二吏散步觀瀑樹裏遠山隱約氣韵清幽款在左上詩句十字小隸書

為探泉落慶衣帶襍花薰 庚午首夏寫山行舊句 邵彌

邵彌
印

邵僧彌梅花軸

紙本水墨高二尺八寸八分闊八寸三分梅枝橫斜疏竹數
葉一雀栖息其上梅幹蟠曲竹葉瘦鉤款在右下題在上

瓜疇邵弥戲寫

江左
僧孫
世澤
題

湘浦半梢雲羅浮一樹春不將君子操誰配淡粧人 乙亥
夏日題 竺塢南雲文照 敬

萬木未舒萌梅花獨先發好鳥識春色飛來伴香雪 丙子
冬日偶題 隣平章夏 賦

最爾先開放百花俱讓君嶺頭逢驛使話到夕陽曛 丙子
嘉平月寓西塘偶題 芋香宗渭 蕭

八大山人花卉卷

綾本水墨五段高八寸長七尺九寸二分一段菊花二段芭
蕉三段牡丹四段秋海棠五段山坡上芝草一莖款在四段
下印不可識印首口竹園

戊辰天中節畫 八大山人

八大山人朱氏名耑字雪箇號个山嘗持八大入覺經因以
為歸江西人故石城府王孫也寫山水花鳥竹木筆情縱恣
不泥成法甲申後為僧

石谿和尚山水冊

紙本設色十開高六寸二分濶四寸五分首頁絹邊上有芥
舟荔香齋二印副頁石谿墨戲四篆李慎題
第一開巖崖突兀草木蒙茸溪上茅亭一冊繫岸遠山如黛
雲影波光風景清絕題在左上印首白禿

巍然壘石在溪濱可是從前應世身烟鎖薜蘿蒼髯冷全提千

古不萌春 殘禿

谿石

第二開岩石深邃飛瀑中流林外高樓波間小舫氣息雄厚
款在石上

石谿殘道者

重信

第三開峯巒重疊林木深濃山徑分明高樓危澤溪頭一人
扶筇觀瀑遠山競出氣勢沈雄題在左工印首介邱

把茆蓋在玉屏中四面深、幾樹松我伴文殊分半座任他獅

象在門風 禿 銘

第四開樹林陰翳路徑曲折一人攜杖尋幽月色嵐光夜景
如畫款在右上

殘道人 電住道人

第五開邱壑玲瓏飛泉下瀉岩松蒼翠一亭踞巔一人携杖
拾級而登題在右上

真樞必是在山深即上終南有路尋只此谷幽飛白練靜聽清

籟到人心 電住道人 銘

第六開層崖枯寂衆木蕭疎臨水茆亭溪雲掩霽是秋深景
象題在右上

石谿殘道者作於天關山房

好

第七開崖石合抱溪水澄清山閣臨波扁舟垂釣無題款左邊有石谿一印

第八開懸崖倒插飛瀑急流碧樹橫遮山樓中隱一人坡岸聽泉題在左上

雲際高山潁碧岑溪邊艸閣俯清陰等閒一雨楸枰樂消盡人

間塵俗心 白禿

殘

第九開峭壁高撐疎林互映溪邊水閣數椽二人憑欄而望風帆沙鳥有咫尺千里之勢款在右工

石道人作

殘

第十開山嵐疊峙樹木周遭溪橋平鋪山屋鱗次氣象濃鬱一望無盡題在右面右角李柏蓀閣中兩河左角芥舟二印

絕壑無人獨結廬楸陰畫落一床書已窺東漢多名士唯有焦

先媿不如石虎

石谿和尚山水大軸

紙本設色高九尺二寸五分闊三尺六寸二分崇山峻嶺密樹長松雲抱溪迴坡平壁峭山下叢林之內茅舍數椽二人堂前坐對蕉竹清幽窗軒靜寂一人携杖由山徑拾級來訪溪上則扁舟逐浪岩間則古寺插雲水積山重筆酣墨飽其魄力之大氣勢之雄石田翁無以過也右角下有好事印又雲山蒼江永洋先生之風山高水長藏之名山傳之其人二印其上有無棣李佐賢生平真賞石泉主人秘玩二印左角下有流水今日明月前身五岳游人二印題款右上方

茅茨門何向荒苔逐石斜扶筇人過舍曲沼水穿沙舊種娟

竹新開冉花幸未居此地此地絕無譁位置誠何意嶺岼

擁若國望中拔地險削處入雲孤近戶嵐光合遙峰秀色殊移

山將有托未可笑吾愚 壬寅中秋前作于天關山房 荑壤

石谿殘道者 題

石谿和尚山水軸

紙本水墨高三尺八寸闊六寸五分岩石磊砢林木蒼森水
榭臨波溪橋架石一人扶筇緩步閭中二人憑窗坐坐筆意
洒脫不染塵垢嘗論石谿山水如書家草法筆：空靈筆：
沈實雖極恣肆而無不在規矩之中誠大家也左上題

入山往返之勞只為這箇不了若是了得這箇出山入山也好
古人所以云上口子几到洞山豈偶然哉石禿遂於課暇作此
數筆以當清供了此一日清閒一日仙之快事也 石谿殘道
人時在幽栖之大影堂 殘

石谿和尚畫羅漢軸

紙本設色高三尺一寸八分闊一尺一寸枯幹槎枒古藤纏繞枝間疊草一尊者坐其上兩手按膝前懸貝葉一束現相莊嚴設想奇闢右角下遇困青溪道人二印左角下一箇間人天地間一印題在上印首介邱

世界婆娑安居是他問我來甚不說云何處上視下身寄高柯
栖息無慮迺在鳥窠人說我險我說你魔參空一切貝葉經多

聽我說偈沙數恒河三洲無量即是弥陀
壬寅浴佛日 茂

壤石谿殘道人作於供佛闕中

石道人

石濤和尚詩畫稿卷

瓶簾齋舊藏

紙本設色高七寸四分長一丈二尺四寸帝三接山水花卉六段詩有題畫者亦有畫註意而錄詩于上者有與畫不相

涉者大小行楷共十三首卷首有眼中之人吾老矣四百卷
中若笠翁圖書首題清湘社画稿第一詩五古楷書第二詩
七古小楷在画右第三詩五言長律楷書四詩五律楷書在
畫上

南歸賦別金臺諸公 鯨翼覆千里百翎難与儔
曠然思天地 其六等蜉蝣僂倚蓬萊石興翻滄海流
往來無逆志大塊終悠 吾身本蟻寄動作長遠游
一行入楚水再行入吳邱乘風入 淮泗飄來帝王州
蘭蕙本契合氤氲相綢繆感君洗我心愧我 汚君眸
三年無返顧一日起歸舟良會實不偶悵懷那得休
贈 言勞紙筆繾綣當千秋

天下山水孰奇壯最奇不過閩与浙余生雖未游斯境舊昔曾

聞有人說峻嶺仙霞直上天蒼岳絕壁如臨淵王公出為兩省
制旂旄鉞鉞經其巔昨午天子近呼來景物依然尚念哉思之
不見愛余寫一一細說傳其材嶺下白雲橫麓起巔頭紅葉接
天開參橫樹木總無度劈立一松堪四顧披鱗帶甲嫩不勝百
尺撐空多雨露氷霜早厲歲寒心近日春光猶託付翠竹連環
萬畝陰風生清籟如瑤琴此間注目欲飛去目送江郎羽化岑
清湘本為泉石客聞君此語愈冷心開襟便作壑嶼想落筆一
搜華嶽林歲月驅人世粉墨揮黃金山川自爾同今古吾將以
此贈知音 大司農主人屬寫仙霞嶺及古松并志命意

不覩荆山玉安知主玷華小堂初下榻歎院少移花時有高車
過風標未許誇紅顏方乍對白雪敢吟呀輾轉忱難已躊躇典
益奢禮文因病廢詩事寫心遐願借同堂手持書啓絳紗卧
病慈源大司寇園公見訪尔時不知主人月公注便感賦以謝
半世游雲客思君厯九秋黃塵空促步白髮漸臨頭俸矣懷商
老歸子猷子猷薛蘿春盡月飄葉下揚州 寄梅澗公宣城天
延閣

第一段畫設色坡岸平迤樹木零落一舟繫纜蓬窓中三人
坐話泊二舟對岸劃沙數筆第五詩即畫意在後

舟泊泊頭丁允元鄭延庵諸子清言雅論復索予書画作書以

贈訂方外交 古岬新沙錦纜收
御河官柳送行舟
號歌直接青雲外
鄉語難分到泊頭
太息勞人勞自肯
番嗟我輩為誰愁
天涯南北逢知己
敢不虛心翰墨酬

第二段菊花有小乘客印第六詩題画在左又第七詩草書
七古一首

舟中九日夏鎮與諸同人遣興咲作 有香有茗脫黃花雖不
登臨興也嘉舟上者山山勢轉水邊弄墨光華白衣携酒南
陽獻烏帽拈題夏鎮呀總是客途寥寂甚平沙淺水接天涯
半生南北老風塵出世多送入世親客久不知身是苦為僧少
見意中人天仙下世真才傑我了心力能起羣君視富貴如浮

雲游戲翰墨空典墳愛客肯辭千日酒風流氣壓五侯門四海
漁樵齊拍唱歸來長缺歎王孫人生飄忽等閒情且隨酣暢眼
縱橫感君白璧買歌笑醉客不放東方明傾情倒意語不惜回
山轉海聞旃檀座客皆爭不盡歡歌兒散雜冰雪團凍雲匝地
酒龍醒意氣崢嶸豪士全此夜真堪寫懷抱明朝詔下君王宣
相思回首心拳拳
辛未冬日雪中張汝作先生見招才人傑
士擁座一時公來月有都門之行賦謝兼贈

清和石壽

第三段墨竹一枝點蘭二莖第八詩五絕草書題畫

但不著塵俗皆當附凌雲餘生有何係無如此二君
苦瓜和

尚濟畫法

第四段畫兩岸陂陀林間村落河流甚急一舟逆流而上緣夫兩岸挖舟一灣轉處布帆日照風景在目第九詩行楷七古一首卽畫意在畫右第十詩七古十一詩五絕或楷或分俱題畫又第十二詩行草七古一首

千迴百折故城河東傾西長分嵯峨白楊灌木參天柯處成行古道魔古塚荒碑廟逶迤水流浪打雪浪富行路嗟嘆多崢嶸斧削飛岳坡樓船畫鼓快如梭錦纜人來寸寸呵歸空糧艘遮天摩歌般歌徹青雲和

地傾水瀉須憑閣千里雷迅怒嗥捲浪拋開珠散彩崩空舞碎雪分濤七十二門向北牢東歸此去漸憑高錦雲旋繞織秋

袍仙障中分虎勢，條鳴鑼擊鼓壯滔。行人駐看，躍龍艚飛帆。
擁簇駕國旄，推窗捲幔，潯揮毫。

舟行將八閘，湖水盡無涯。漁艇千家，听蘆花一色沙。舟過八
閘，爲友人作畫。

眼中才子誰爲是？燕山北道張天津。此時破雪擁萬卷，手中笑
謝酒半巡。一觴一韻字，真的真。艸稿惠何人？羨君顛死張顛
手。羨君摧折李白神，贈我雙筵稱二妙。秋毫小楷堪絕倫，至今
停筆不敢和。至今縮手時，爲親知我潦倒病。念我無髮貧，授我
以心法。憶我相思陳入城，出郭兩苦辛。傾心吐語皆前因，落

無知己滿面生埃塵奇哉奇不已長嘯謝西秦雪中懷張

山

第五段墨山水岩岫峯奇洞壑深邃長松倒挂飛瀑急流一人臨溪觀瀑山邨隱隱出層崖間枯斂濃勒意境極奇第十
三詩畫意楷書七古一首

天都直聳四千仞中藏三十六芙蓉鍊江二十四谿水爭流倒
瀉子朝宗岑山砥柱中流溶烟晴二溪聲淙松風堂在籠叢
衝至今開合散天下幽人往矯如龍我生之友交其半谿南
潛口汪吳貫君家淨藥好容顏美髯鶴髮雙眸炯慷慨揮金結
四方風流文采分伍昂默而不語神冥琅然歌蕢散蒼兒

孫滿座皆英才雄談氣宇生風雷狂瀾興發中堂開焚香洒墨

真幽哉 清湘瞻尊者原濟

龍眠 清 不識字

第六段畫坡上老樹一株中空現佛一尊瘦骨屹立長髮下垂兩目皆瞑後題篆書十字

老樹空山一坐四十小刻 昔丙子長夏六月客松風堂主人
屬予弄墨為快園中之人可呼之為瞻尊者後身否也呵々

釋元 瞻尊者 藏之 濟印 名山

石濤和尚山水軸 瓶簾齋舊藏

紙本水墨高三尺九寸一分潤一尺二寸八分巖壑奇峻樹石濃厚山腰結屋上有長廊因山曲折飛瀑千尋直瀉澗底屋中人呼之欲出不特筆墨深厚即境界亦非人間所有深谷空山意中有此境安知寰中即無此境耶右角下一印搜

口奇峰打畫稿上題楷書淋漓

古之人同興於筆墨假道於山川不化而應化無為而有為身
不炫而名立因有蒙養之功為生活之操載之寰宇已為山川
之質也以墨法觀之則受蒙養之任以筆操觀之則受生活之
任以山川觀之則受胎息之任以鞞斂觀之則受盡變之任以
滄海觀之則受天地之任以坳堂觀之則受須臾之任以無為
觀之則受有為之任以一畫觀之則受萬畫之任以虛腕觀之
則受穎脫之任有是任者必先資其任之所任然後可以施之
於筆如不資之則局隘淺陋有不任其任之所為且山之任於

山無窮山之得體也以位山之薦靈也以時山之變幻也以化山之蒙養也以仁山之縱橫也以動山之潛伏也以靜山之拱揖也以禮山之紆徐也以和山之環聚也以謹山之虛靈也以智山之純秀也以文山之躡蹠也以武山之峻厲也以險山之逼漢天也以高山之渾厚也以洪山之淺近也以小此山天之任而任非山受任以任天也人能受天之任而任非山之任人也由此推之此山之自任而任也不能遽山之自任而任也是以仁者不違于仁而樂山也山有是任水豈無任耶水非無為而無任也夫汪洋廣澤也以德卑下循禮也以義潮汐不

息也以道決行激躍也以勇澡汨平一也以法盈遠通達也以
察沁泓鮮潔也以善折旋朝東也以志其水見任于瀛海溟渤
之間者此非素行其任則又何能周天下之山川通天下之血
脈乎人之所任於山不任于水者是猶沈于滄海而不知其听
也亦猶岸之不知有滄海也是故知者知其畔听逝於川上聽
于源泉而樂水也非山之任不足以見天下之廣非水之任不
足以見天下之大非山之任水不足以見乎周流非水之任山
不足以見乎環抱山川之任不著則周流環抱無由周流環抱
不著則蒙養生活無方蒙養生活有操則周流環抱有由周流

環抱有由則山水之任息矣吾之任山水也任不在廣則任其可制任不在多則任其可易非易不能任多非制不能任廣任不在筆則任其可傳任不在墨則任其可受任不在山則任其可靜任不在水則任其可動任不在古則任其無荒任不在今則任其無障是以古今不亂筆墨常存因其決洽斯任而已矣然則此任者誠蒙養生活之理以一治萬以萬治一不任于山不任于水不任于筆墨不任于古今不任于聖人是任也是有其質也 大滌子質任章第十八 展筆開邱壑風光另有天如何舒老眼偏許白雲肩不化人間紫誰憑世上仙同心乘鶴

子細數醉花田 春日寄上瑞翁道長兄先生并求教正 清

湘弟大滌子極大本堂 刻

韻

石谿和尚詩畫屏

紙本四幅詩畫各一方
第一方行楷七古一首高六寸二分闊五寸九寸

黃鶴樓高不可登
楚哀湘怨思難勝
黃鶴歸來杳何處
樓空惆悵江流去
江流滾滾遶山腰
大別峯荒秋氣高
萬家廬井迷烟樹
夾岸征塵捲暮濤
風濤萬頃來雲夢
疊疊羣巒度搖動
飛帆忽蔽夕陽來
驚烽遙起騷人慟
勸君弔古憫霑衣
勸尔懷山早息機
黃鶴樓高登不得
羈心一片憶將歸
登黃鶴樓 賸尊

者濟

清湖

第二方設色山水高六寸九分闊一尺四分山勢差幾萬松層疊依山村落隱、溪水波平遠山爭出題在左上

人道龍鱗髣髴成祇今片墨氣如生披襟試向高山望風雨千

尋起自鳴

苦瓜和尚濟

清湖

第三方小楷七古一首大楷五律一首高濂同第一方

八月九日問歸船雲間吏跡空留連主人愛客興非淺不惜十年傾惠泉秋風作雨滋枯田蕭瑟：來輕烟興酣落筆許誰顛詩成問字有青蓮神交千里事非偶一朝別去思慨然敬亭閣上重回首雲裡呼君：聽否 秋日客雲間留別智達上人

兼呈趙准白時余居宣城之廣教寺寺在齊雲之麓

夜雨傳香細微風何處來清心知欲吐撲面定全開去水人家
近隔林舊院栽呼童先訊主新月好徘徊 新桂流香簡友人

作 石濤濟

釋元濟中

第四方說色山水高七寸五分濶一尺岩石起伏紅樹參差
萬頃澄波遠山如黛舟泊平沙遙接天際清湘畫中之極精
細者題在左上右角下己巳二字左角下烹雪山房一印

海晏河清 東巡萬國動歡聲歌舞齊將玉輦迎方喜祥風高
岱岳更看佳氣擁燕城堯仁總向衢歌見禹會遙從玉帛呈一
片蕭韶真獻瑞鳳臺重見鳳凰鳴 臣僧元濟九頓首 潯石

第五方行楷五律一首高澗同第一方

六樹雷大樹鍛鍊至於今兩起孤樗岫復分破臂琴插天神護
力捧日露沾襟偶向空心處微聞頂上音 題雷熱古銀杏樹

石濤濟道人

釋尊

第六方水墨山水高六寸闊一尺山坡臨水脩竹萬竿右角
下有守叁所藏輔國將軍博尔都碑問亭之章左角下子孫
保之印題在左上補款在右

拂風霏雨自然青莫道東湖異洞庭君但一茗留与對吟成如

見曉濛濛

石濤濟

清潤

辛未補款作供問亭先生大維摩正 元濟

第七方楷書七律一首高六寸一分闊六寸右角下葉夢龍印端谿何永子璵玉號遂庵過眼經籍金石書畫印記硯旂藏本三印

山勢盤紆一徑斜雲垂四面日光遮清波石打天門雨紅葉船衝洞口霞客過魂銷悲往事亭空樹老不開花當年歌舞人何處獨剩荒臺起暮茄凌敲臺在太平府黃山去北門五里舊時江水繞其足今去采石廿餘里余因訪無相寺偶登臺賦此

晤尊者濟

釋元濟印

第八方設色芭蕉高六寸九分闊一尺芭蕉一本巨石一拳細草綠坡映帶有致題在左上右角下有問亭竹朋真賞印懷素學書種蕉代紙兩餘墨汁淋漓應是此箇境界清湘石

濤濟道人

水雪悟
前身

浙江和尚山水冊

紙本十開高六寸六分闊四寸三分每開有小百尺樓或小
百尺樓珍藏印

第一開設色山坡壁立兩岫輔之坡下野屋數椽前有二間
孤松小樹點綴有情左角浙江印

第二開水墨水邨一簇坡岸參差溪水幾灣連山一角無款
弘仁一印在画心

第三開水墨一峯中峙飛瀑旁懸老木枯藤縈繞石上皴法
簡淡筆近大痕左角下浙江印

第四開水墨碎石環抱溪流圍繞獨屋一間疎樹數株兩石
罅處中橫一開有弘仁印

第五開水墨岩岫玲瓏草木枯寂山麓茅亭上梅樹一株臨
溪脩竹一簇石洞支石為業峭壁上石皆倒垂設想用筆無

不孤高絕俗右邊弘仁印
第六開設色坡陀平迤急湍中流老樹撐空新株帶雨左角

浙江印
第七開設色懸崖峭峻古松倒垂水石清奇岩草蒙拂右角

弘仁印
第八開水墨峰巒起伏雲氣環繞遠岬人家烟樹一片風帆

如駛有宋老筆意左角弘仁印
第九開設色平坡巨石疎竹枯林用筆淡逸雅近倪迂右邊

弘仁浙江二印
第十開水墨磊石一灣疎林一帶水邊一屋以輪澌水治水

確也此外雲影吞吐不著迹象題款左上向右讀

豐溪雨過時有幽禽啼樹殘雲冑壑藉資穎楮聊以寫懷 庚

子春記于介石書屋 弘仁 江浙

畫家爭說婁東派高簡應歸黃海僧攝取幼霞游洪谷山如
斷骨樹如簪 癸未十月中浣与芥凡夜譚獲觀目題

浙江和尚山水軸

紙本水墨高一尺五寸五分闊八寸九分遠山參差清溪淡蕩名梅含蕊岸柳舒條山溪野屋鱗次遠水空明款在左下

浙江無印

漸師山水私游雲林蕭疎淡遠中自具偉俊沈厚之氣豈世之瘦石枯木自詡高士者所能同日語耶師本休甯人新安畫家之宗清閼師實道之先路也余所見手蹟以是為最蓋仿倪迂者多作秋林蕭瑟意此幅江都梅柳別饒融和生趣用古而不泥于古可謂能開生面者矣嘉慶辛酉小春游之竹西市上殘剩已甚曰重裱之少媚以識
梅柳渡江春韶華到眼新年江上住祇是夢中人今年冬日暖花已放南枝借問東鄰外垂楊綠幾然漸師畫專攻雲林所患在枯槁寂寞此幅饒有生趣因仿雲林詩體并書於家兄少嶺故後臨安錢後人東
王翬 玉泉 筆

藍田村秋山紅樹軸

絹本設色高四尺九寸闊二尺九分石壁層峙上有飛泉紅樹青松掩映高下溪上一亭二人坐對泉流石上百道宣德

款石上

乙亥春王月畫于吳山大觀閣 石頭陀藍瑛時年七十又五

也

藍瑛
印

按乙亥為順治十六年先生七十有五當生于明萬曆十三年乙酉長烟客七歲畫傳故多列之于明今仍之